

中央國醫館
醫藥叢刊之一
藥物圖考卷二

編審委員楊華亭撰述
編審委員周柳亭校訂

芍藥

本草經

芍藥味苦主邪氣腹痛除血痺破堅積寒熱痼瘕止痛利小便益氣

詩經

贈之以芍藥陸璣疏芍藥今藥草無香氣非是也未悉今何草司馬相如賦云芍藥之和揚雄賦曰甘肅

之和芍藥之藥七十食也

名醫別錄

芍藥味酸平漸寒有小毒通順血脈緩中散惡血逐賊血去水氣利膀胱大小腸消癰腫時行寒

熱中惡腹痛腰痛一名白朮一名餘容一名黎食一名解倉一名鋌生中岳川谷及邱陵二月八月採根暴

乾

陶弘景

今出白山蔞山易江蘇江甯縣茅山最好白而長大餘處亦有而多赤者小科俗方以止痛乃不減常歸道

家亦服食之又煮石用之

圖經本草

芍藥生中岳川谷及邱陵今處處有之淮南者勝春生紅芽作叢莖上三枝五葉似牡丹而狹長

高一二尺夏開花有紅白紫數種子似牡丹子而小秋時採根根亦有赤白二色崔豹古今注云芍藥有二

種有草芍藥木芍藥木者花大而色深俗呼爲牡丹非也（中畧）安期生服鍊法云芍藥二種一者金芍藥一者木芍藥救病用金芍藥色白多脂肉木芍藥色紫瘦多脈若取審看勿令差錯（下畧）

萬國藥方

Paeonia A'biflora 此藥出河南安徽等處入藥用根

（功用）收斂治痢疾經漏

華亭述言

【產地】

各地皆產以杭州產者爲佳

【形態】

毛茛科芍藥屬多年生草本高約二尺餘互生複葉每小葉往往三裂葉柄長網脈全緣初夏莖端開花徑約數寸色有紅黃白紫花冠有單複雄雌蕊數不同果實爲蒴果其根爲塊根長約數寸徑約半至一寸外皮色褐肉含澱粉或有粉紅者鮮時色顯若受日光紅色即退

【主治】

入藥用根有小毒味酸澀而苦鮮質嘗之畧含鹹味主行氣血破堅積除血痺疝瘕緩中止腹痛調經破瘀白帶經漏痢疾消癰腫

【考證】

安期生云芍藥有二種「一爲金芍藥一爲木芍藥云救病用金芍藥色白多脂肉木芍藥色紫瘦多脈若取審看勿令差錯」按安氏云金芍藥者卽本經芍藥爲塊根澱粉質木芍藥色紫瘦多脈者卽今日誤用之赤芍藥也其根爲條根色紫瘦內含纖維質形態畧同甘草體類木質外皮褐紫內灰白心赤味極澀

今多產東三省山野中夏日開花如芍藥單瓣土人呼爲山芍藥卽木芍藥也究芍藥分爲赤白始自陶弘景云赤者小利係指芍藥根中有含赤色者非言別具一種之木芍藥也本草崇原云「今藥市中一種赤芍藥不知何物草根兒醫瘍醫多用之爲害殊甚此由不察本經不辨物性因訛傳訛固結不解成爲習俗所誤寧不悲哉」張氏痛言誤用亦芍藥之非而世醫至今猶沿用之良可慨也本經云芍藥「味苦」別錄云「味酸平漸寒」崇原云「芍藥氣味苦平後人妄改聖經而曰漸酸元問諸家相沿爲酸寒收斂之品試將芍藥咀嚼酸味何在」本草經讀亦從其說者酸寒二字係別錄中言非後人所改予嘗其味委係酸澀而苦芍藥含安息香酸及樹脂鞣酸等質故有行氣血與收斂之效張陳二氏云芍藥無斂力有誤而朱丹溪又云「產後不可用者」尤爲大誤備考與從新咸謂「產後忌用」由斯俗醫多遵其說觀金匱產後篇云「產後腹痛煩滿不得以枳實芍藥散主之」夫芍藥爲去瘀生新之藥故別錄云「通順血脈散惡血逐賊血」蓋謂有瘀能散無瘀能和故於無瘀之症亦有收斂之功須知芍藥之能收能散在內含之素非在赤白二色而後世多爲白補赤瀉白收赤散故朱氏誤爲產後之不可用也豈知芍藥之含赤色者至經暴乾之後其色已退今誤用之赤芍藥味極澀其爲斂力極大可知矣而於血瘀氣積等症以爲通利劑不亦謬之甚乎金匱用芍藥三十三方大論約三十方皆爲塊根澱粉質也徐之才云藜蘆反芍藥千金大排風散大五飲係二藥並用

【修治】

採於秋末勿採於春因芍藥與牡丹根質充滿於秋取塊根長者勿取老根固結枯腐之處輕刮外皮晒乾存貯用時搗碎勿須切片亦不必炒用李時珍云「今人多生用惟避中寒者以酒炒入女人血藥以醋炒耳」今日多遵酒炒醋炒之法實爲誤事夫女人血分症有瘀血漏血之分豈可概以醋汁斂之也

【分劑】

煎服一至五錢

【芍藥苦參飲】

芍藥 二至四錢 苦參 半至二錢 當歸 三至五錢 枳實 二至四錢 木香 小至一錢 黃芩 二至五錢 檳榔 二至四錢

此方治痢疾頗效欲瀉後收斂須加大黃初劑爲瀉再劑收斂若渴者加黃連 二至四錢



山茱萸

本草經

山茱萸味酸平主心下邪氣寒熱溫中逐寒溼痺去三虫久服輕身一名蜀棗

名醫別錄

微溫無毒主腸胃風邪寒熱疝瘕頭風風氣去來鼻寒目黃耳聾面皴溫中下氣出汗強陰益精

安五臟通九竅止小便利久服明目強力長年一名雞足一名臙實生漢中山谷及瑯琊瑯琊山冤句東海承

縣九月十月採實陰乾

陶弘景

近道諸山中大樹子初熟未乾赤色如胡頹子亦可噉既乾皮甚薄當以合核爲用爾

圖經本草

山茱萸生漢中山谷及瑯琊冤句東海承縣今海州卽江蘇東海縣亦有之木高丈餘葉似榆花白子初

熟未乾赤色似胡頹子有核亦可噉及乾皮甚薄九月十月採陰乾

澠水燕談錄

山茱萸能補骨髓者取其核溫潤能祕精氣精氣不泄乃所以補骨髓今人剝取肉用而棄其

核大非古人之意如此皆近穿鑿若用本草中主療只當依本說或別有主療改用根莖者自從別方

萬國藥方

Corus Officinalis 此藥中國美國英國皆有入藥用該樹之皮內含一精卽口而年

(功用) 補劑收斂解瘡

華亭述言

【產地】產於山東河南等處

【形態】山茱萸科山茱萸屬落葉喬木高丈餘葉對生卵圓形而尖春日先葉而花數花集生一苞開小黃花花

冠四片向外反卷雄蕊四枚雌蕊一枚果黑色赤乾時赤黑有皺紋長約三四分徑約二分許外肉内核核表微呈稜形核內爲蜂窩組織核中有仁一枚

【主治】入藥核肉並用肉薄而酸核大味濇而苦主頭風目黃鼻塞耳聾面皸止汗除心下邪氣溼痺腸胃充氣

退熱生津止渴消食收斂腎氣縮小便別錄主面皸此皸非皮肉分離而鼓起者即古名瘰今名之粉刺也由皮脂腺分泌之皮脂停留多於面部患之故名面皸此症多患於青年老者無之佐以開鬱活血之劑服之頗效仲景惟於腎氣丸用之主男子消渴婦人轉胞以肉酸有生津解熱之功以核濇有收斂腎氣之效故核肉合用

【考證】千金翼與圖考附刻之別錄條有「溫中」二字本草綱目無之新本草綱目云山茱萸中有種子二枚

予驗之只一核一仁本草經山茱萸係核肉合用別錄云「採實陰乾」陶弘景云「亦可噉既乾皮甚薄當以合核爲用爾」此藥西名曰而奴思入藥用樹皮內含元素名曰而年 Corinin 主治收斂解癰考其

樹皮與果核俱含鞣酸其核之構造較他核迥異有蜂巢組織內含黃色結晶細末形如松香味澆故有收斂之效別錄主強陰益精止小便利逮至劉宋雷斅云「使山茱萸去內核每修事去核子一斤取肉皮只存四兩已來緩火熬之方用能壯元氣祕精其核最能滑精」備要與從新亦云「去核用核能滑精」原始與求真亦從其說醫學大辭典云「製法酒浸去核核能滑精取皮微火焙乾用」新本草綱目亦云「酒煮去核」新本草教本云「以果肉服食」統觀以上諸書悉宗雷斅之謬以澆爲滑不亦僅乎澆水燕譏錄云「山茱萸能補骨髓者取其核溫澆能祕精氣不泄乃所以補骨髓今人剝取肉用而棄其核大非古人之意如此皆近穿鑿」是古人亦知雷氏之失奈何嗜癩者流至今成癖耶今藥市之山茱萸皆去核取肉而醫方中亦改名山茱肉矣藥物學之不講習非勝是良可痛心敢乞今後醫界諸君於藥物一科當於本經加之意也

【修治】

採子於成熟之期晒乾收藏勿洩氣用時搗碎

【分劑】

煎服半至三錢



杏核仁

本草經

杏核仁味甘溫主欬逆上氣雷鳴喉痺下氣產乳金瘡塞心貢豚

名醫別錄

杏核仁苦冷利有毒主驚癇心下煩熱風氣去

作往字

來時行頭痛解肌消心下急一本有諸痛二字殺狗毒

五月採之其兩仁者殺人可以毒狗（花）味苦無毒主補不足女子傷中寒熱瘧厥逆（實）味酸不可多食傷筋骨生晉川山谷

陶弘景

處處有藥中多用之湯浸去尖皮熬令黃

萬國藥方

Amygdala 此藥分甜苦二種俱含油質惟苦者內有毒不可過服

（功用）潤劑化痰治咳嗽類病

賀氏療學

此藥有甘苦二種如以苦杏仁加水即釀出氫蟻酸少許若甘杏仁則不然如以甘杏仁加水搗勻其味甘美可作引藥之用患糖尿病可以甘杏仁數兩去淨油與糖類製成面包用之因其內無澱粉也氣管與喉或腸胃受刺激者以甘杏仁製成乳劑服之有平粘膜之功製法以甘杏仁半兩白樹膠三十喱白糖二錢相合搗爛加蒸水八兩調勻隔渣而成若杏仁內含一類之油油內含氫蟻酸百分之二至四不等故大有毒力如以一滴毒貓可使立死曾有服十七量滴而殞命者按苦杏仁之功用乃醫咳嗽但不常

用因其毒力甚大也如製成乳劑可作藥引之用如患淋症用之最妙因其兼降小便之燒痛也

藥料詳要

甜巴旦杏仁係 *Prunus Amygdalus* (Lucis) (Jordan Almond) 樹成熟之子形橢圓而微扁兩端一銳一鈍長約一寸外黃綠色內有含油之二白瓣味和平在水中研之則成無臭白色乳劑
苦巴旦杏仁試於水中研之則發氫氰酸之臭甜杏仁內含固定油百分之四十餘爲蛋白質及杏仁酶不含苦杏仁甙亦不含澱粉

苦巴旦杏仁係 *Prunus Amygdalus* (Amar) 樹成熟之子多與甜巴旦杏仁相似但較寬較短而味苦在水研之則發氫氰酸之臭苦杏仁每百分能榨出固定油五十餘爲蛋白質一種名苦杏仁酶與苦杏仁甘苦杏仁皆在水內爲苦杏仁酶所化即成氫氰酸故苦杏仁油有毒因內含百分之四至八分之氫氰酸也

華亭述言

【產地】 杏核仁各地皆產

【形態】

蔷薇科櫻桃屬落葉喬木高一二丈葉互生心臟形而尖葉緣鋸齒及作波紋狀葉柄細長春日先葉而花色紅白花冠五片雄蕊約三十二枚雌蕊一枚結實爲核果種類甚繁其實大小不等生青而酸熟則紅

黃核中仁心臟形而扁外皮色褐內仁色白

【主治】

有毒味苦主通肺竅化痰止咳嗽逆氣痰喘心下煩熱滿痛奔豚破瘀通血脈

【考證】

杏仁有甜苦二種本經味甘者即甜杏仁無毒別錄味苦者即苦杏仁有毒若綱目與萬國藥學詳要所云甜杏仁皆甜巴旦杏仁此物原產中央亞西亞其生態與杏迥異實桃屬也其仁較杏仁窄而長（說見巴旦杏仁）山東所產甜杏仁俗名榛杏因其味甘如榛仁也其枝葉花實與苦杏仁無二係杏類中之甜種者考甜苦二杏仁其功用有別如爲食品兼爲潤劑須以甜仁主之若醫乾嗽哮喘欬逆等症當以苦者爲佳因內含氫磷酸其功用專司呼吸及血循環須知毒藥類中當以氫磷酸爲最故療學云「不常用者因其毒力甚大也」中醫用苦杏仁係配藥煎服分劑不過四五錢皆去皮炒熟子嘗試用未去皮之生仁其力大於去皮炒熟二倍故用之不可過三錢西醫所用皆爲油質於甜杏仁油分劑一至四量錢於苦杏仁油則只用半量滴蓋因苦者內含氫磷酸之毒質也然而中醫雖用原質煎服其分劑亦須禁慎驗方新編云服杏仁死者（說見修治條）即中其毒也綱目收本經條內有「苦冷利有小毒兩仁者殺人可以毒狗」十五字係別錄文綱目與圖考附刻之別錄內有「滿痛」二字千金無之金匱用杏仁約十二方大論約九方多與麻黃半夏五味子細辛乾薑同用

【修治】

採於果實成熟之期去核取仁晒乾存貯勿洩氣否則易蛀用時搗碎驗方新編云「杏仁生熟服之都
不爲害若火炒不透半生半熟者服十數粒卽死其屍眼閉舌唇耳竅手足十指俱青色肚腹有青色塊每
有食以詐人者人不易防最難禁化惟急取吐吐可解用杏樹皮煎湯飲之雖迷離將死者皆可救或用
麝香一分沖水服亦效」按此非半生半熟之爲害係中苦杏仁中之氫精酸因苦杏仁含苦杏仁甘與苦
杏仁酶惟甜者不含苦杏仁甘故苦杏仁甘在水內爲苦杏仁酶所化卽成氫精酸云死者手足與肚腹俱
青因服毒分劑致靜脈之血變如動脈之赤血然旋速卽變黑色係血球被滅所致故死者多現青色古人
用此藥未言去皮炒熟至雷斅云以沸湯浸去皮及尖用火石並烏豆與杏仁煮至褐色後世所用皆去皮
尖炒熟


【分劑】

苦杏仁原質半至三錢泡久去皮炒熟一至四錢以上皆配藥煎服非單服劑

附巴旦杏仁

【考證】

薔薇科櫻桃屬產於中央亞西亞落葉喬木高丈餘葉披針形如桃葉花冠五片雄蕊數十枚雌蕊一枚
果實如桃惟果肉汁液減少成熟後則果皮乾裂出核其核較杏仁長而窄日本呼之爲扁桃考巴旦杏仁
之名始於綱目非杏類實桃屬也



半夏

本草經

禮記

月令半夏生

名醫別錄

半夏味辛平主傷寒寒熱心下堅下氣喉咽腫痛頭眩胸脹欬逆腸鳴止汗一名地文一名水玉
生微寒熱溫有毒消心腹胸膈熱痰滿結欬嗽上氣心下急痛堅痞時氣嘔逆消癰腫墮胎療痿

黃悅澤面目生令人吐熱令人下用之湯洗令滑盡一名守田一名和姑生槐里

在陝西興平縣東南

川谷五月八月

採根暴乾

陶弘景

槐里屬扶風今第一出青州吳中亦有以肉白者爲佳不厭陳久用之皆先湯洗十許過令滑盡不爾

戟人咽喉方中半夏必須生薑者亦以制其毒故也

圖經本草

半夏生槐里川谷今在處有之以濟州

今山東歷城縣

者爲佳二月生苗一莖莖端三葉淺綠色頗似竹

葉而光江南者似芍藥葉其根下相重生上天下小皮黃肉白五月八月內採根以灰糞二日湯洗暴乾一云五月採者虛小八月採者實大然以圓白陳久者爲佳其半澤生者甚小名羊眼半夏又由跋絕類半夏而苗高近一二尺許根如雞卵大多生林下或云卽虎掌之小者足以相亂（下畧）

植物名實圖考長編

半夏有竹葉芍藥二種江西湖南皆有之二種同生一處開花如南星而小高不過

六七寸檢方書無有半夏開花之說而固始呼爲蠟子草與錢如公儀中方治蠟螫和符或前人未經察及耳

植物名實圖考

半夏木經下品所在皆有有長葉圓葉二種同生一處夏亦開花如南星而小其稍上翹似

蠟尾固始呼爲蠟子草凡蠟螫以根傳之能止痛錢如公儀中方亦載之諸家本草俱未及此本草會編謂

俗以半夏性燥多以貝母代之不知痰火上攻昏潰口噤自非半夏南星曷可治乎半夏一莖三葉諸書無異詞而原圖一莖一葉前尖後岐乃似芡姑葉余曾遣人繪川貝母圖正與此合豈互相舛誤耶抑俗方只此一物而兩用耶二者皆與圖說不相應非書不備則別一物

萬國藥方

Pinellia Tuberifera 此藥出中國等處入藥用根色白味畧苦

(功用) 發表吐瀉配雅片表散可代磺強鈹

華亭述言

【產地】 各地皆產山東產者爲佳

【形態】 半夏科虎掌屬多年生草初年生一單葉二年後爲三出羽狀複葉每小葉長卵形而尖中葉較長網脈

全緣根出葉柄長天產者多生陰地萌芽時多於半夏始生故名半夏花時並葉基抽出花梗高約五六寸至一尺若人工蒔於向陽之地初夏卽茁往往花梗早茁於葉單性花花梗上部著生佛燄之苞由佛燄中抽出一線長二三寸徑約六七釐狀如鼠尾外部色綠內部油黑而光雄花上部雌花下部苞於佛燄之內不見形質剖而視之雄花甚短色黃白如粉雌花較長爲細小之白粒二花俱集生於花軸周圍肉穗花序狀如虎掌(見虎掌圖)其實成熟頗難蓋多爲花後卽枯死間亦有不枯而實者凡並花之葉柄多生肉

芽一枚初則色白老則色黑大如蜀黍粒至秋落地如蓬適宜來年卽生一單葉半夏其根爲球莖形橢圓或圓圓鮮時大如羊眼乾時如豆


【主治】

入藥用根有毒無臭味暑苦有粘液麻刺甚重主欬逆化痰咽喉腫痛胸膈脹滿嘔吐心下痞堅腸鳴其功用多走於咽喉如膿痰留於枝氣管者能刺激粘液加多易於吐出外用蝎蟄以鮮半夏搗爛敷患處頗效無鮮質以原質之乾者搗敷之亦可若將元素泡去者無效

【考證】

閩經云似竹葉者緣半夏三小葉與竹葉个字相似云似芍藥葉者因芍藥葉每爲三出圖考云開花如天南星則誤蓋天南星雄花橢圓而鈍包於佛燄之內（見天南星圖）惟虎掌花延長如線突出佛燄之外與半夏畧同而古人又多以虎掌與天南星爲一物也半夏每根生葉柄不過三四枚其根鮮時大如羊眼乾質大如玉蜀黍若生時如鷄卵乾質扁圓如盤四圍有芽者非虎掌卽天南星也若比半夏微大扁圓如盤四圍無芽者係由跋也亦卽虎掌或天南星之幼年苗也考虎掌南星半夏初年皆生一單葉圖考云半夏皆爲一莖三葉係未見初年苗也古人謂由跋係別具一種者亦誤考半夏虎掌天南星由跋爲同屬同性之變種子曾食鮮半夏半枚重一分六釐嚼之舌臍之脆微苦有粘液初覺口舌麻刺三分鐘後麻刺入喉間十分鐘後加重覺粘膜破裂咽喉被其刺激而津液加多復覺咽喉如腫氣管若收及思徐之才云

「畏生薑雄黃」陶弘景云「方中有半夏必須生薑以制其毒」乃急食生薑以解之無效又食雄黃亦無效經一小時半適午餐後覺其麻刺減去十之六七惟口中始覺麻刺小時即退乃知其功力多行於咽喉也金匱用半夏約三十方傷寒論約十八方多與生薑乾薑黃芩黃連人參甘草並用徐陶二氏見仲景用半夏多與生薑並用以爲生薑可制半夏之毒殊不思半夏之毒如被生薑制服則嘔逆或痰疾湧盛於喉嚨危急之際將無效矣蓋仲景用半夏有化痰止嘔之功佐生薑有通氣之力故並用之有通氣化痰止嘔之妙徐之才云烏頭反半夏金匱附子粳米湯係附子與半夏合用（附子即烏頭之旁生根）千金大驚甲湯大排風散蠻夷酒礬石開衛候膏外台五噎丸五石鎮心丸大腹水瘕丸百病方均係烏頭與半夏合用由斯觀之則烏頭反半夏之說謬矣半夏爲澱粉質以水浸洗體質不變唯藥效減耳今市售



之清半夏係入鍋煮熟其澱粉因受糖化酵素作用體變而粘切成最薄之片色白微透明嘗之幾無味別錄因半夏之毒云「用之湯洗令滑盡」不究其毒卽半夏素如經西醫且將專提其毒素用之矣別錄云墮胎張元素卽云孕婦忌之備要從新俱從其說藥徵云「余讀本草綱目半夏條曰孕婦忌半夏爲其燥津液不思之甚矣古語有之曰有故無損此證而用此藥夫何忌之有自後人爲妊娠而建其藥之禁忌也」究半夏於孕婦用者多爲嘔吐之患如金匱云「妊婦嘔吐不止乾薑人參半夏丸主之」是矣

【修治】

採於秋日去其莖葉洗去泥土輕搽其皮暴乾存貯勿洩氣用時搗碎藥市浸半夏冬則七日夏則四日每日換水二次清半夏用薑與礬養之

【分劑】

煎服原質三分至一錢藥市之浸質一至四錢

黃連

本草經

黃連味苦寒主熱氣目痛背傷淚出明日腸澼腹痛下痢婦人陰中腫痛久服令人不忘一名王連

名醫別錄

微寒無毒主五藏冷熱久下洩澼膿血止消渴大驚除水利骨調胃厚腸益膽療口瘡生巫陽川

谷及蜀郡泰山二月八月採